

# ARUBA ANSE COURANT

Instala aireacondi-  
cionado na Bo  
cas AWOR!



tel. 2170



Diario



pa Aruba

TRY...  
**Tropical Cherry**  
a fine NEW softdrink  
from  
**Tropical Bottling Co.**  
call: 1773



ANJA 21

DIALUNA 24 AUGUSTUS 1959

Nr. 3517

## Krutshev lo inicia su biahe na Merca dia 15 di Septe mber proximo

### Consagracion di misa nobo di Savaneta 5 sept.

SAVANETA — Di pastoor J. L. Stau-  
fmeijer O.P. nos a hanja noticia, cu  
su misa nobo na Savaneta lo ser con-  
sagrado solemnemente dia 5 di september  
venidero. S.A. Exc. Mgr. J. Holtermann  
obispo di Willemstad lo efectua e im-  
portante suceso aki.

### 89 Arubano ta bai cu beca diahuebs

ORANJESTAD — Di parti di K.L.M.  
nos a wordo informa cu dia 27 di au-  
gustus (diahuebs) un Super Constellation  
di e compania menciona lo hiba 89 Aru-  
bano Hulanda cu ta bai cu beca. E sa-  
lida ta fija pa tres or di atardi.

### Mayoria dje musi- conan a hanja hospedahe

ORANJESTAD — Segun nos a tende  
diasabra, e yamada di Arubaanse Kunst-  
kring na su micembron pa ta asina bon  
di prepara acomodacion pa 23 dje mu-  
siconan cu ta bini cu e orkesta di Suiza  
dia 26 awor, a wordo ricibi cu masha  
entusiasmo. E musiconan di e orkesta  
Suizo lo yega Aruba dia 26 awor pa 5 or  
di atardi y nan lo keda te su siguiente  
merdia. Falta cinco hende ainda pa han-  
ja un lugar pa baha, e oronon tur ta  
wordo ricibi cordialmente cerca miem-  
bronan di e Kunstkrings. E concierto lo  
tuma lugar dia 26 anochi den Schouw-  
burg.

E dianan aqui loque cu anjanan anterior humanidad a quere  
ta imposible ta bai tuma luga. E dos enemigonan encarnal, e  
dos potencionan di mas grandi di mundo ta bai para frente di  
otro den representacion di personanan di Eisenhower i Krut-  
shev. E acontecimiento aqui lo ser graba cu letternan di oro  
den analonan historico di e paisnan aqui, pasobra ta di e dos  
potencionan aqui ta dicide paz na mundo. Ohala cu por bini  
un bon entendimiento entre ambos lidernan aqui asina cu mun-  
do lo por ta sigur di un paz duradero.

Khrushchev lo inicia su biahe na  
Merca 15 September y conclui'e 27  
September na Washington. Khrushchev  
lo bishita seis ciudad mericano, esta  
Washington, New York, Los Angeles,  
San Francisco, Des Moines (Iowa)  
y Pittsburgh.

E representante permanente di Mer-  
ca cerca Naciones Uni. Cabot Lodge,  
lo acompaña Khrushchev durante  
su jira na Merca.

Khrushchev lo no bishita Detroit, un-  
da su colaborador Mikoyan a ser a-  
cogi cu webu putri na Januari y tam-  
poco e ciudad industrial Chicago y  
Cleveland.

Den circulonan competente na  
Washington nan ta supone cu Khrut-  
shev lo papia cu Eisenhower tocante  
e exigencianan di China Comunista,  
manera retiro di flota naval merica-

no di estado y aceptacion di China  
Comunista como potencia grandi, lo-  
que lo dun'e un asiento den asamblea  
general di Naciones Uni.

### Encuentro deportivo entre CAA y JA

ORANJESTAD — E encuntronan en-  
tre e miembronan di Centro Apostolico  
Arubano y di Juventud Activo ta tu-  
mando curso ketu bat. Den weganan di  
domino Juventud a sali victorioso cu  
8-4, den wega di ping pong di damas  
e wega a tabata 8-8, y di encuntronan  
di cabaleros Centro a gana cu 12-6.  
Awor e posicion ta 62-56 na favor di  
miembronan di Centro Apostolico Aru-  
bano.

### Campagne contra malaria

SURINAM — Den prome rondo di campagne con-  
tra malaria na Surinam a resulta cu  
den interior tabatin dos bez mas tanto  
cas pa spuit cu nan a registra prome.  
Esaki ta pasobra na promer lugar e  
registracion di den interior no tabata  
suficiente y na segundo lugar pa mo-  
tibo di e costumbr cu ta reina cu fa-  
milianan ta dispone di mas cu un  
cas en conexcion cu e costumbr di  
biba (roofobouw). Como consecuencia  
di e comprobacion aki nan mester a  
corih e registracion por completo.



Knockout

ORANJESTAD — Diabierne nan a in-  
forma polisan, cu na Tropicana Bar ta-  
batin un homber tira na suela. Tabata  
F.C. cu a wordo golpea pa un tal J.C.  
cu mientras tanto a desaparece. Cu am-  
bulans F.C. a wordo transporta pa Lago  
Hospital.

FATUM — Tel.: 1845  
Pa tur bo aseguranan

Hanja y... a bula bai

J. Martijn di Flamboyantstraat 23 a  
hanja tras di Prinses Beatrix Vlieg-  
veld un tas di mucha. Olga Henriquez a in-  
forma polisan cu un papegaa a bula  
yega su cas den Schubertstraat 6. Si e  
donjo tin bondad di bin busca su pape-  
gaa.

TEXAS FURNITURE STORE  
voor  
Zitkamermeubelen

FUTBOL FUTBOL  
GRAN ENCUESTRO DI FUTBOL  
den WILHELMINA STADION  
AWENOCHI 24 DI AUGUSTUS 1959 PA 8 OR P.M.  
SCOTLAND di Barranquilla vs. DAKOTA  
Entrada: Wilhelmina Stadion: Tribuna Fl. 1.50  
Staanplaats: Fl. 1.—  
DOS MUCHA CU UN KAARCHI.



Entre e presentacion durante e inauguracion diahuebs an-  
ochi di Hotel Astoria nos a mira e.o. bao dje parti parti cu-  
bierta tijl. Gezeggheer di Aruba, E. Arends y su esposa.

### HOTEL ASTORIA UN ADQUISICION PA SAN NICOLAS

SAN NICOLAS — Ora cu nos a ricibi  
e invitacion pa e ceremonianan di aper-  
tura pa diabierna anochi u.p. di e Hotel  
Astoria na San Nicolas cu a ser renova  
completamente, no tabata sa mes ora cu  
esaki lo a ser e inauguracion excele-  
nte. Hopper, di famia Wong, cu  
a laga constata e bula, cu lo bai ex-  
ploia e hotel, specialmente na San Nico-  
las ta mes tanto gaba cu su excelente en-  
china. Pues tabata un recepcion unico.  
Na unda hopi hende a atende.

Entre e invitadonan nos a mira ami-  
gonan y relacionadonan di senior Wong.  
nos a mira tambe entre otro tijl. Gezeggheer  
di Aruba E. Arends y esposa, tur  
e cuater deputadonan cu nomber E. O.  
Petronia, I. de Cuba, O. S. Henriquez  
y F. Wernet. Tambe nos a mira e co-  
misario di polis C. A. de Jager, hoofd-  
inspecteur Mol, drs. M. Boekhoudt, sen-  
ior G. L. MacNutt di Lago, senior Ralph  
Papa di YMCA y frere Edgard di Don  
Bosco Club, sra. Steele, inspector A. E.  
Kibbelaar, hefe di turistebureau M.  
Kuiperi, miembro di Staten E. Finck,  
dokter Ho-Kang-You, senior Arturo M.  
Arends cu ta president di Sociedad di  
comerciantenan y hopi otro mas.

Senior Fred Wong a informa nos cu  
e hotel nobo ta e hotel y bar anterior  
cu a wordo reconstrui, e comedor y pa-  
tio mitar cubri ta construcion nobo. Na  
tur tin 11 cuarto, cual nan a muestra nos  
mash laat. Tur e cuarternan ta airecon-  
dicionado y tin nan mes banjo. No ta sala  
grandi, pero e mihor clientenan por hos-

### Inauguracion di fabrica di verf

SURINAM — Den presencian di va-  
rios invitados Ministro di Finanzas,  
Dr. J. Sedney inaugura „Eerste Su-  
rinamse Verf-fabriek Drimoziel N.V.”  
dia 1 di Augustus u.p. E fabrica di  
verf aki ta un empresa cual a wordo  
establi cu cooperacion di e tan co-  
nocer „Verffabriek van Visser na  
Zaandam.” Como director a wordo  
nombr sr. Johan Ziel, kende a llega  
na anja 1948 for di Hulanda na Su-  
rinam y a cuminsa como contratista:  
poco anja despues e a establece un  
negoshi especial den artefacto di verf.  
Den su speech na ocasion di aper-  
tura Minister di Finanzas a bisa e.o.  
cu e directiva di gobierno tin como  
punto principal consolidacion y exten-  
sion di e base economico di e lugar  
y funcionanionan di gobierno lo ta  
dispueto pa asiti inauguracion di em-  
presas nobo of di haci algo pa e  
empresa. E Minister ta spera cu e  
fabrica nobo di verf lo ta na prohecho  
di Surinam y su poblacion.



Prettig schrijven  
doet U pas met  
Quink!

PARKER QUINK is  
de enige inkt met Solv-  
X, die Uw pen schoon  
houdt terwijl U schrijft!  
Gebruik voor veilig  
schrijven de ultrabare  
Royal Blue Quink! Ge-  
bruik voor permanent  
schrift Permanent  
Quink!

QUINK INKT IS EEN PRODUKT VAN DE PARKER PEN CO.

PALAIS ROYAL ARUBA N.V.  
ORANJESTAD - SAN NICOLAS

### Fregata „Van Amstel” nombra na e militar Jan van Amstel y ta adopta door di Amstel Brouwerij

ORANJESTAD — Diasabra mainta  
prensa a wordo ricibi abordo di e fre-  
gata „Van Amstel” cual actualmente ta  
stationa na Antillas y ta haciendo su  
promie bishita na Aruba. Pa ricibi pren-  
sa tabata presente lt. i.z. 1 kl. Ph. S.  
Niemeijer prome oficial abordo, kende  
a duna nos tal di informacionnan in-  
teressante tocante e bapor di guerra aki,  
cual a drenta servicio di Marina Ameri-  
cano dia 12 di Februari 1944 bao dje  
nomber „Rinchart”.


E bapor aki cu a wordo pasa pa  
Koninklijke Marine despues y a yega den  
Helder dia 2 di augustus 1950. E la  
hanja nomber di Jan van Amstel naci  
1620, kende como capitan dje almiranta  
di Amsterdam a distingui su mes den  
guerra contra Suecia na anja 1659 con-  
quistando e isla Fuen. Den segundo  
guerra contra Inglesnan e la salba e flo-  
ta despues di e batalla na Lowestoft du-  
rante Juni 1665 pa perdinan mas gran-  
di. E la distingui su mes tambe den dos  
batallanan di 1666 y a participa den e  
batalla di Chatam durante 1667 huntu  
cu almirante De Ruyter.

Tocante e persona Jan van Amstel  
mes, cu a nace na 1620 como jiu di e  
famoso almirante Maarten Harpertzoon  
Tromp, senior Niemeijer a muestra nos

abordo dje bapor un copia di Jan van  
Amstel su acta di matrimonio fecha 31  
di Januari 1667 di su segundo matrimo-  
nio cu Anna Boekhorn, despues cu al-  
gun anja prome su prome esposa Cor-  
nelia Schagen a muri.  
Hr. Als „Van Amstel” en dia 22 di juli  
he anja aki a yega Antillas, ta bao di  
comando di kap. lt. i.z. N.J.A.C. Swel-  
lengrebel. Despues di e informacionnan  
interesante den long-room, na unda nos  
a wordo informa tambe cu e cerverceria  
Amstel na Amsterdam a adopta e ba-  
por, e la muestra nos tur rond abordo dje  
bapor di guerra.

### Jet-plane argentino na Zanderij

SURINAM — Un jet-plane Comet IV di „Aero-  
lineas Argentinas” a baha na Zanderij  
cu 44 persona. E pasaheronan prin-  
cipalmente tabata empleado di e com-  
pania di Aviacion Argentino mencio-  
nada. Motibo di e bishita tabata pa  
orienta nan mes p'e posibilidad pa  
usa Zanderij den nan ruta. Mientras  
trato Minister di Obras Publicas y  
Tráfico a funda un comision, bao di-  
reccion di lighthavesteester Mr. F.  
Barend, pa preparacion y organisacion  
di e apertura oficial di e aerodromo  
na Zanderij.



Nescafé...  
of course,

it gives you

delightful roaster-fresh coffee: just NESCAFÉ, hot  
water or milk... then sit back, and enjoy it!

Every time, a really good cup: for a pleasant "lift" and  
roaster-fresh taste in your cup, NESCAFÉ's the coffee!

It's honest-to-goodness coffee, exactly right in your  
cup: NESCAFÉ is simply the result of a skillful blending of choice coffee  
beans, roasted to perfection, carefully "home-brewed": so convenient,  
so economical.

Deeply satisfying, delightful roaster-fresh coffee


NESCAFÉ

blended and roasted  
... to your taste

get it at your grocer's



The heart of your engine is your  
battery



Keep your engine  
young at heart  
with a lively

ATLAS

PERMA-FUL  
BATTERY

\* Needs water only 6 times a year in  
normal use!  
\* Warranted for one full year.



Got a FREE  
BATTERY CHECK  
now at your:

ARUBA **Esso** SERVICENTERS











## EL CISCO KID

1. "Bo a tene?" "Si, tin un hende ta pidi auxilio!"  
2. "Poco bandido a herida mi... mi mester di un medico!"  
3. "Umm... lo que bo ta busca ta cuminda gratis pa fortalece bo!"  
4. "Ami si bo no ta ganja, cuéntista! Na nos costa si bo no ta come!"



## IUAN EL INTREPIDO

E caída di Kwin San lo ta di gran importancia pa e asunto di occidente! Mi mester saca su juman sano y salvo for di China!  
"Mi tin un idea! Ya cu e comandante ey ta laga nan cumpré..."  
2. Paquico no usa e avion di Cerdan y tira e oro cu paracaída? Bo ta dunele mitar di e botin awor... y e otro mitar bo ta dunele ora e juman di Kwin San a caba di pasa e frontera!  
3. "Y quen lo ta asina temerario pa conduci un avion desarma pa pasa e red defensiva na China?" "Ami, Ce-qui! Lo mi tuma medida pa mi bula awor... y ojala mi queda vivo pa paga despues!"



## DICK TRACY

1. "Na unda Otto ta?" "Com mi por sa? Tal vez den su oficina."  
2. "Pero dama no por bay ey den Hey, aboi!"  
3. "Prudent! Ta quico ta pasa?" "Otto mi ta hanja mi den un trouble grandi. Mi mester di bo ayudo."  
4. "Bo ta un bon judante riba un fami-seniorita, lastima bo ta un polis. Sh-sh! Corda bon, mi ta bo jiu - y mi jana Fatty - pero danki pa e compliment."



## RIP KIRBY

Desmond, den su desesperacion ta sigui scende numera...  
1. "Mi a cometi un locura pa mi duna mi nomber y di si Kirby... lo nan bay na e apartamento, pero si mi logra saca mi auto..."  
2. "Lo mi bay cu mi auto chiquito pa New Yersey, mi lo mi queda scendi te ora mi por hanja contacto cu Kirby."  
3. "...e ta histi un sombre hondo... vigila tur e salidanan di Manhattan..."



## EL PRECIO DEL TRIUNFO

1. "No a bini pa diseñi e expedicion Boswor na Europa?" "Bor... lo mi por a bisa bo..."  
2. "Quico...?" "Cu bo compania ta un placer pa mi!"  
3. "Un comentario masha discreto, Sr. Saxton! Pero lo mi bisa bo un cos... Nunca mi a jega di pidi un hombre sunchi mi y ni no ta pensa di cumenza awor!"




## EL DIARIO DE UNA VIDA

1. "Mi ta bay awor. Lo mi topa cu boso den comedor."  
2. Den e camarotenan.  
3. "Ta haci friu. Mi ta bay cambia panja. Mi ta contra cu bo den comedor, Luis?" "Encantado, Julieta!"



## PEPITA

1. "Lorenzo semper ta tuma su siesta awor aqui! Lo mi sorprende!"  
2. Na man cu pia e hefe ta gata pa e porta...  
3. Net e ora Lorenzo ta dal e porta habri.  
4. "Mi a bin pidi bo un aumento, hefe..."



## For Dry Nose



Promotes Healing  
THE FIRST AID KIT IN A JAR  
"VASELINE" is a registered trademark  
CONTAL AGENCIES  
Tel. 1418

## Minister van Philips a bolbe di Pto. Rico

SURNAM. — Minister di Economische Zaken na Surinam, Dr. P.A.M. van Philips, a bolbe Paramaribo 2 di Augustus u.p., despues di un bishita di 2 siman na Puerto Rico. Hunto cu ne a bay Direktor di Economische Zaken Sr. R. Ferrier y direktor di Landbouw, Veeteelt en Visserij Ir. G. Tiggeelman. Varios conferencia a word teni na Puerto Rico cu directiva di "Operation Bootstrap", y nan a bishita tambe hopi empresa industrial. Durante un conferencia na Universidad di San Juan nan a discuti e rapport-Barton especialmente e industrialisacion di Surinam.

Na e ocasion ei a tuma palabra varios miembro di e delegacion surinamenjo, y nan a duna masha hopi informacion tocante Surinam. E delegacion a asisti tambe na e fiesta di independencia na Puerto Rico, na unda e miembronan di delegacion tabata habri especial di Gobernador di Puerto Rico, dr. Muñoz Marín. E bishita di orientacion aki di minister y su conseheronan na Puerto Rico lo ta di suma importancia pa e plan di industrialisacion na Surinam. Respecto esaki nan lo presenta un ontwerpplandsverordening na Staten pa fundacion di e "Stichting Industrie Ontwikkeling Suriname".

## Dos alto funcionario Surinamenjo a fallece

SURNAM. — Diahuebs, 30 di juli u.p., a fallece na edad di 76 anja Sr. Harry Najaryal Hajary. Sr. Hajary, kende a cuminsa su carrera como judante na oficina di migracion, a subi den su puesto como hoofdambtenaar na Departamento di Finanzas. Na anja 1948 e a bira miembro di College van Bijstand, despues miembro di Algemeen Bestuur tempo cu interim-regeling na Surinam a drenta na vigor. E a hanja su retiro honroso y a bai cu pensioen dia 31 di juli 1957. Dia 18 di Juni 1958 el a word nombra como miembro di Raad van Advies. Ademas Sr. Hajary a ocupa varios puesto importante den e comunidad di Surinam.

Dia 4 di Augustus u.p. a fallece Sr. Henry Juraan de Vries na edad di 80 anja. Sr. de Vries quende a cuminsa su carrera como klerk na un oficina comercial, a establece su mes negoshi despues, cual a extende y bira N. V. Handelsmaatschappij H. J. de Vries, un di e casnan comercial di mas grandi na Surinam. Como aprecio pa su mérito pa su lugar e a word nombra na anja 1938 como miembro di Raad van Advies di cual e tabata vice-president. Di 17 di Mei te 21 di Juli 1957 el a ocupa como prome Surinamenjo e puesto di gobernador Interino di Surinam. Sr. de Vries tabata President-Commissaris di diferente compania grandi na Surinam. E tabata Officier den Orde di Oranje Nassau y Ridder den Orde di Nederlandse Leeuw. Na ocasion di e fallecimiento di Sr. Hajary y Sr. de Vries tur e officinan di gobierno y edificionan a hiza bandera halfstengel.

## Atentado contra bida di Betancourt

CARACAS, 23 di Aug. — E diputado venezolano comunista Teodor Pepkos a declara ayera nochi na un reunion comunista na Caracas, cu diabernes un atentado contra bida di Presidente Rómulo Betancourt di Venezuela a ser frustra, "gracias na intervencion rapido y eficaz di servicio secreto".

Pepkos a condena e actividad di gruponan reaccionario contra gobierno di Venezuela.

Despues di descubrimiento di e conspiracion contra Presidente Betancourt a efectua algun detencion.

## Declaracion di ministro Mitchell

WASHINGTON, 23 di Aug. — E ministro mericano di trabao, Mitchell, a declara, cu e welga den industria di staa na Merca anda no tin efecto den programa di defensa.



Aki nos ta mira un bibliotheca ambulante di "Centro de Educacion Fundamental" den Ubol (Tailandia) circulando regularmente entre e pueblonan dje region. E bibliotheca aki a ser organisa pa Go. bierno di Tailandia en colaboracion cu UNESCO. Esaki ta un dje formanan cu nan ta duna asistencia tecnica pa mediacion di e Organizacion di Naciones Unidas, contribuyendo pa fortalece e esfuerzonan pa realiza e paisnan cu ta menos desarolla pa consolidan nan recursonan economico y humano.

## Nabegante na Camino pa Samoa a Para na Lago

Si nos cu hai bon, un ex Danes chikito y gordo cu yama Peter Dohm lo mester yega Pago Pago, capitol di Samoa Americano, na November di e anja aki. "Y kiko tin di stranja na esaki?" un lector lo por puntra. E contesta ta cu Peter Dohm, 50 anja, ta nabegando pa e isla lejano aki den Sud Pacifico henteramente su sol den un boto di 25 pia!

Durante e ultimo parti di su viaje e nabegante lo ta entrega na merced di Oceano Pacifico pa casi 50 dia largo (segun su calculacionnan) ariba e mes ruta cu e famoso Kon-Tiki a viaja algun anjanan pasa.

Sr. Dohm a para na Aruba Juni 21 despues di un viaje di cinco dia for di Puerto Rico. El a laga su cas na St. Thomas Mei 10 cu rumbo pa Cristobal, Panama. Aruba tabata situa conveniente na mitar di e trayecto aki y tabata forma un stop ideal pa reabastecer awa y cuminda. E aventurero abati door di biento — cortico pero muscular cu cutis manera cuero kima preto door di e fuerte solo di Caribe — tabatin mala suerte ariba su di dos dia na e isla chikito Antilliano aki. Na camina pa haaf di Oranjestad, el a malcalcula posicion di un boei y e la danja timon di e boto ariba un cabez di piedra.

E nabegante amateur a realiza cu un revision completo na e punto aki di su viaje lo yuda asegura un traveso seguro pa e faltante 3000 milla.

## Nabegante Amateur

Miembronan di Yacht Club di Seroc Colorado a acudi pa yudele. Nan a ofrece e aventurero pa usa nan facilidad di dry dock. El a acepta e oferta generoso y poco poco cla bini for di Oranjestad pa Rodgers Beach. A tuma mas cu un luna pa revisa e boto pero, manera Sr. Dohm a bisa, el no tabata den apuro. El tabata planea e viaje aki durante mas cu 20 anja y algun dia mas of menos lo no importa.

Su permanencia na Aruba tabata masha placentero. Varios familia, hopi Danes, a brinda le hospitalidad. "Esaki a haci cu parce ta corto tempo cu mi t'aki. Mi ta gusta Aruba masha hopi," el a bisa. Den dia el ta raspa y verf cose bela, check linja y percura un reabastecer cuminda y awa. Anochi, el ta drumi den su cabina chikito pero eficiente unda el ta bolbe leza y studia su bukinan favorito Kon-Tiki, The Silent World y Aku-Aku cual tur tin como obieto aventureronan cu a recorrer lamanan. Durante oranan keto el ta goza di su disconan favorito, toca ariba un ingenioso transistor phonograph, y planea e trabao pa e siguiente dia.

Sr. Dohm a obtene e boto aki un anja pasa. Originalmente el a word traha pa transporta santo y graniet door di nati-vonan di St. Thomas. Ora a pintrele e cantidad di bela cu e ta hiba, sr. Dohm a contesta, "Oh, mi no sabi exacto. Mi sabi cu e ta hiba bastante pa camina un maximo di e ocho milla of un promedio di cuater o cinco". Su disenjo original tabata requeri linjanan basta brusco, pero e boto ainda tin un apariencia elegante. E espacio preta ta contene e cama di Sr. Dohm, lugar pa 20 galon di awa, lugar di warda cuminda (tur cos ta den bledi pasobra e boto no tin refrigeracion), un radio, Zenith, Trans-Oceanic equipu cu banda di onda corto, radio direction finder, stoof, herment, di cushina y rekli di buki-mayor parti buki tocante asuntonan di alta mar. Su belan na e unico fuente di movicion di e boto. E no tin un motor auxiliar.

Na 1934, Sr. Dohm a captura atencion di mundo tempo cu el a anuncia cu el, su senjora y dos yiu chikito, tabata bai nabega rond di mundo cu un yola di 33 pia. Y nan a nabega tambe. E familia sin temor aki a procede promer pa Dakar na costa occidental di Africa, despues a bini west pa Barbados; nan a viaja e islanan barlovento y despues a bai pa Florida na 1938, unda di tres yiu a nace. E siguiente anjanan a decide di bishita Virgin Islands, territorio, di Estados nidos cu un tempo tabata posesion Danes. Aki nan a establece nan mes, poniendo tur idea un banda pa caba e viaje rond di mundo y dedicando atencion na criamiento di tres yiu cu ta crece.

Sr. Dohm a cuminsa un astilleria, Red Hook Boat Service na St. Thomas, cual a florece. El y su familia a bira ciudadanonan naturaliza di Estados Unidos y tabata hiba comodamente ariba e isla.

Un aspecto triangulo di Solo-Sa-turnus ta favorable pa pone bo tuma decisionnan, y tene bo ocupa na bo planan pa porvenir. Trata pa bula pipa pa tur loque ta keshion.

ACUARIUSIAN Tene cuidao na inclinacion na pleito; bo tin chens riba un experiencia agradable. Warda un bon atmosfera den bo ambiente. Bo extradan por hai dilanti.

PISES Discusion cu otronan nunca no a haci nada bon. Awe ta un bon dia pa bo concentra bo riba trabao ordinario. Y para bo cla pa tur cooperacion loyal.

## HOROSCOOP

ARIESIAN Un aspecto triangulo di Solo-Sa-turno ta yuda bo na pone bo trabao y demas asuntonan riba un mehor base. Pone atencion na bo salud. Tene bo cabez pareu den asuntonan di gastu.

TAURISIAN Trata na drenta un arreglo ora cu tin hopi dificultad den bo ambiente caminda tin hendenan fastioso. Haci e anochi di awe calmo.

GEMINIAN Tene bo reserva: Door di comentario sin pensa prome cu por causa tur sorto di malora y trobel grandi cu otronan.

CANCERNIAN Sea masha discreto ora cu bo ta discuti asuntonan di financia of propiedad cu conocinan, principalmente parti di atardi of anochi. Lucha pa mehoracion di entrada foi negoshi.

LEONAN Un aspecto di triangulo Solo-Sa-turnus ta anima exito door di expansion persevera. Sea dispuesto na ocupa bo cu trabao rutina of otro sorto di trabaoan fastioso. Sea rudente y reserva den bo expresionnan.

VIRGONIAN Expansionnan haci ta sea aprecia awor pa personanan cu autorizacion necesario. No larga noticia; intranquiliza bo. Tene bo plan y bo ideanan pa bo.

LIBRARIAN Tene cuen! cu debeman of faltan den asunto di fiamiento. Trata na tene bo secretonan pa bo mes.

SCORPIONIAN Mostra comprension pa partner matrimonial of otronan ora cu e saquinan ta nervoso of ta menos dispuesto na duna cooperacion.

SAGITARIUSIAN Cu perseverancia y cumplimiento di deber ta mas facil pa bo atende interes di bo trabao de relacionnan. No larga ningun hende pone bo desvia di bo trabao.

CAPRICORNUSIAN Un aspecto triangulo di Solo-Sa-turnus ta favorable pa pone bo tuma decisionnan, y tene bo ocupa na bo planan pa porvenir. Trata pa bula pipa pa tur loque ta keshion.